

壙城集仙錄卷之二 馮二

唐廣成先生杜光庭集

上元夫人

上元夫人者道君弟子也亦云玄古以來得道證仙位總統真籙亞於龜臺金母金母所降之處多使侍女相間以為賓侶焉漢孝武皇帝好神仙之道齋醮名山以求靈應元封元年辛未七月七日夜二唱之後西王母降於漢宮帝拜迎稽首侍立久之王母呼帝命坐設以天廚言宴粗悉命駕將去帝下席叩頭請留懇懇王母復坐乃命侍女郎馨香邀上元夫人焉帝不知夫人何真也云王九光母敬謝但不相見四千餘年天事勞我致以愆面劉徹好道適來視之見徹了了似可成進然形慢神穢腦血淫濁五臟不淳關胃空索骨無津液脉浮反升肉多精少童子不移三尸狡亂玄白移時雖當語之以至道殆恐非仙才也吾久不在人間實為臭濁然復時可遊望以寫細念客主對坐悒悒不樂夫人可暫來否若能屈駕當停相須帶見侍

女下殿俄失所在一時頃侍女至夫人又遣一侍女答問云阿環再拜上問起居遠隔絳河擾以官事速替顏色近五十年仰戀光潤情係無違露香至奉信承降尊於劉徹處聞命之際登當命駕先被太帝君勅使詣玄洲校定天元正爾暫往如是當還還便來帝願暫少留帝因問王母不審上元何真也王母未答夫人已至矣來時亦聞雲中蕭鼓之聲既至從官文武千餘人並是女子年皆十八九許形容明逸多服青衣光彩耀日真靈官也夫人年可二十餘天姿清耀靈眸豔絕服赤霜之袍雲彩亂色非錦非繡不可名字顯作三角髻餘髮散垂至腰戴九靈夜光之冠帶六山火王之珮結鳳文琳華之綬腰流黃揮精之劍上殿向王母拜王母坐止之呼帝坐北向夫人設廚亦乃精珍與王母所設者相似王母勅帝曰此真元之母尊貴之神汝當起拜帝拜問寒溫還坐夫人笑曰五濁之人既酒禁利嗜味淫色固其常也且微以天子之貴其亂目者倍於凡人焉而復於華麗

之墟拔根願元為之事良有志矣王母曰所謂有心哉夫人謂帝曰汝好道乎聞數招方術祭山嶽靈祠禱河川亦為勤矣勤而不獲寔有由也汝胎性暴胎性淫胎性奢胎性酷胎性賊五者恒舍於榮衛之中五臟之內雖獲鋒銛良針固難愈也暴則使炁奔而攻神是故神擾而炁竭淫則使精漏而魂疲是故精竭而魂銷奢則使真離而魄穢是故命逝而靈臭酷則使喪仁而攻目是故失仁而眼亂賊則使心開而口乾是故內戰而外絕五事皆是截身之刀鋸剝命之斧斤矣雖復汝好於長生不能進益五難亦何為損性而自勞乎然由是得此小益以自措挂耳若從今已去寫汝五惡反諸善明務察下惡務除寬惠務濟窮賑務施勞念務存姑息務及愛身恒為陰德救濟危難旦夕孜孜不泄精液於是去諸淫養汝神放諸奢處至儉勤齋戒節飲食絕五穀去臭腥鳴天鼓飲玉漿蕩華池叩金果葉而行之當有冀耳今阿母迂天專之重下降於蟪蛄之戶屈尊虛之雲而詣

狐鳴之俎且阿母至誠妙唱之音其敬勗節度明修所奉比及百年阿母必能致汝於玄都之墟迎汝於崑閩之中位以仙官遊於十方吾言信矣子勵之哉若不能爾無所言矣帝下席跪謝臣受性兇頑生長亂濁而墮不啓無由開達然貪生畏死奉靈敬神今受教此乃天也輒戢聖命以為身範是小醜之臣當獲生沾唯垂哀護賜其玄玄夫人使帝還坐王母謂夫人曰卿之為誠言甚急切更使未解之人思於志意夫人曰若其志道將以身投餓虎志軀被誠跡大履難故於一志也必無憂也若其無志則心疑真信嫌感之徒不畏急言急言之發欲成其志耳阿母既有念故來必當賜與尸解之方耳王母曰此子動心已久而不遇良師速欲毀其正志當疑天下必無仙人是故我發閩宮暫舍塵濁既欲堅其胎志又欲今向道不惑也今日相見令人念之至於尸解下方吾甚不惜復三年吾必欲賜以成丹半劑石象散一具正爾授之則徹不得停當今兇奴未弭邊陲有事何

必令其倉卒寫天下之尊而便入林岫耶當問篤向畢卒何如其迴改吾方數來王母因拊帝背曰汝當用上元夫人至言必獲長生可不勗勉耶帝跪曰報書金簡以為身模式焉帝又見王母中器中有一卷書盛以紫錦之囊帝問此書是仙靈方耶不審其目可得瞻否王母出以示之曰此五嶽真形圖也昨青城諸仙就吾請求今當過以付之乃三天太上所出文秘禁重豈汝穢質所宜佩乎今且與汝靈光生經可以通神勸志也帝叩頭請求不已王母曰昔上皇清虛元年三天太上道君下觀六合瞻海河之長短察丘山之高卑立天柱而安於地理植玉嶽而擬諸鎮輔貴崑陵以合靈仙尋蓬山以館真人安大神手極陰之源栖太帝乎扶桑之墟於是方丈之阜為理命之室滄浪海島香九老之堂祖瀛玄炎長元流生鳳麟聚窟各為洲名並在滄流大海玄津之中水則碧黑俱流波則震蕩祥精諸仙玉女聚居滄溟其名難測其實分明乃目山源之規矩觀河嶽之盤

曲陵迴阜轉山高龍長周旋逶迤形似書字是故因象制名定名實之號書形秘於玄臺而出為靈真之信諸仙佩之皆如傳章道士執之經行山川百神群靈奉親近汝雖不正然數詣山澤扣求之志不忘子道欣子有心今以相與當深奉慎如事君父泄失示人必禍考也夫人語帝曰阿母今以瓊笈珠韞發紫臺之文賜汝八會之書五嶽真形可謂至珍且貴上帝之玄觀矣子自非受命合神弗見此文矣今雖得其形觀其妙理而無五帝六甲左右靈飛之符太陰六丁通真逐靈玉女之錄太陽六戊招神天光策精之書左乙混洞東濛之文右庚素招攝殺之律壬癸六遷隱地八術丙丁入火九赤班符六辛入金致黃水月華之法六已石精金光藏景化形子午卯酉八稟十決六靈威儀丑辰未戌地真曲素訣辭長生紫書三五順行寅巳申亥紫度炎光內視中方凡闕此十二事者當何以召山靈招地神攝萬精驅百鬼來虎豹役蛟龍予子所謂適知其一未見其他帝下

帝叩頭曰微下土濁民不識清真今日聞道是生命遇會聖母今當賜與真形修以度世夫人方今告微應須六甲六丁六戊致靈之術既蒙發弘益無量唯願誥誨濟臣飢渴使已枯之木蒙雲陽之潤焦火之草幸甘雨之溉不敢多陳帝啓陳不已王母又告夫人曰適真形實文靈官所貴此子守求不已誓以必得故虧科禁將以與之然五帝六甲適真精神此術渺邈必須精潔至誠殆非流濁所宜施行吾今既賜微以真形夫人當授之矣吾當憶與夫人共登玄隴羽野及睚真之山視王子童子就吾所請太上隱書吾以三九秘言不可傳泄於中仙夫人時亦有言見守助童子之至矣吾既難違來意不獨執惜至於今日之事有以相似後來朱陵食靈瓜味甚好憶此未久而已七千歲矣夫人既已告微篇目十二事必當匠而成之何緣今主人稽首請某乙流血耶夫人曰環若苟惜向不持來耳此是太虛群文真人赤童所出傳之既自有男女之別耳又宜授得道者恐微

下才未應用此耳王母色不平乃曰天禁漏泄犯違明科傳必其人授必知真者夫人何向下才而說靈飛之篇目乎妄說則泄說而不傳是謂術天道此禁乃重於傳耶別勅三官司直推夫人之輕泄也吾五嶽真形文乃太上天皇所出其文寶妙而為天仙之信豈復下授於劉微也直以微孜孜之心數請川嶽勤修齋戒以求仙之應志在度世不遺明師故吾等有下賜之意耳至於教仙之術不復限惜而傳之夫人但有致靈之方能獨執之乎吾今所以授微真形文者非謂其必能得道欲使其精神有驗求仙之感不惑可以誘進向化之徒又欲令悠悠者知天地間有此靈真之事足以却不信之狂夫耳吾意在此也子性氣淫暴眼睛不紅何能得成真仙浮空參差予勤而行之適可庶於不死耳明科云非長生難也開道難非開道難也行之難非行之難也終之難良匠能與人規矩不能使人巧也必何足隱之耶夫人曰謹受命矣但環昔蒙倒景君無常先生二君傳靈文

約以四千年一傳女授女男授男太上科禁以表於照生之符矣環所授以來并賢大女即抱蘭凡傳六十八女子固不可授男也頃見扶廣山青真小童受六甲靈飛於太微中元君凡十二事與環所受者同青真是環入室弟子所受六甲未聞別授於人彼男官也今正勅取之將以授微也先所以告其篇目者亦是懲其有心特欲堅其專恣令且廣求他日與之亦欲與男授男承科而行使勤而方獲令知天真之珍貴耳非徒苟執術泄天道矣願不罪焉阿母真形之貴懸於勤志亦以授之可謂太不宜矣王母笑曰亦可恕乎夫人即命侍女紀羅容促到扶廣山勅青真小童出左右六甲靈飛致神之方十二事當以授劉微也須臾侍女選擇八色玉笈鳳文之輶以出六甲之文曰弟子阿昌言向奉使絳河攝南真七源君檢校群龍猛獸事畢過門受教承阿母相邀詣劉微家不意天靈至尊下降於吳陽不審起居此來何如侍女紀羅容至云專欲得金書秘字六甲靈飛左右

策精之文十二事欲授劉徹輒封一通付信且徹雖有心實非仙才詎宜以此傳泄於行尸乎昌近在帝處見有上言之者甚衆云山鬼哭於叢林孤魂號於絕域與師歸而族有功妾兵勞而縱白骨奢擾黔首淫酷自恣罪已彰於太上怨已見於天恚言玄聞必不得度世也值尊見勅不敢有違耳王母笑曰言此子者誠多然帝亦不必推也夫好道慕仙者精誠志念齋戒思愆輒除過一百克已反善奉敬真神存真守一行此一月輒除過一千徹念道累年齋亦勤矣累禱名山願求度脫校計功過殆已相掩但自今已去勤修志誠奉上元夫人之言不宜復奢淫暴虐使萬兆勞殘怨魂窮鬼破攝之訴流血之尸忘功賞之辭耳夫人乃下帝起立手執八色玉笈鳳文之輶仰天向帝而呪曰九天浩洞太上耀靈神照玄微清虛朗明清虛者妙守悉者生至念道臻寂感真成役神形辱安精年榮授徹靈飛及此六丁左右招神天光策精可以步虛可以隱形長生久視還白留青我

傳有四萬之壽徹傳在四十之齡違紀泄漏禍必族傾反是天真必沉幽冥爾其慎禍敢告劉生爾師主是青真小童太空中黃道君之司直元始十天王入室弟子也姓延名陵陽字庇華形有嬰孩之貌仙官以青真小童為號其為器也玉朗洞照聖周萬變玄鏡幽覽才為真俊遊于淨廣推此始運館于玄圃治仙職分子存師君爾從所願不存所授命必傾淪言畢夫人一一手指所施用節文以示帝焉凡十二事都畢又告帝曰夫五帝者方面之真精六甲者六位之通靈佩而尊之可致長生此書上帝封於玄景之臺子其寶祕焉王母曰此三天太上之所撰藏於紫陵之臺隱以靈壇之房封以華琳之函韞以蘭簡之帛約之以比華之索印以太帝之靈受之者四十年傳一人如無其人八十年可頌受二人得道者四百年一傳得仙者四千年一傳得真者四萬年一傳得昇太上者四十年一傳傳非其人謂之泄天道得人不傳是謂蔽天寶非限妄傳是謂輕天老受而不

敬是謂慢天藻泄蔽輕慢四者取死之刀斧延禍之車乘也泄者身死於道路受土刑而骸裂蔽者盲聵於來世命凋枉而卒歿輕則禍鍾於父母詣玄都而受罰慢則暴終而墮惡生乘疾於後世皆道之科禁故以相戒不可不慎也王母因授以五嶽真形圖帝拜受俱畢夫人自彈雲琳之漱歌步玄之曲王母命侍女田四妃答歌歌畢乃告帝從者姓名及冠帶執佩物名所以得知而紀焉至明王母與上元夫人同乘而去龍虎車馬導從音樂如初來時雲彩鬱勃盡為香氣西南而去良久乃絕帝既見王母及夫人乃信天下有神仙之事但不精勤久得尸解而去不能昇天王母夫人青真小童皆云帝無仙才斯固玄察之矣然仙桃靈果天饌靈酒帝皆得而食之但至誠求道之感應亦非凡骨矣不然者何以茂陵之物出於人間亦聊示神變之跡知神仙之不可誣也其後孝宣帝地節四年乙卯咸陽茅盈字叔申受黃金九錫之命為東嶽上卿司命真君太元真人是時五帝

君授冊既畢各昇天而去茅君之師總真王君西靈王母與夫人降於句容之山金壇之陵華陽天宮以宴茅君為時茅中君名固字季偉小茅君名衷字思和王母王君授以靈訣亦授錫命紫素之冊固為定錄君衷為保

命君亦侍真會王君告二君曰夫人乃三天真皇之母上元之高尊統領十方玉童玉女之籍汝可自陳二君下席再拜求乞長生之要夫人憫其勤志命侍女宋辟妃出紫錦之囊開綠金之笈以三元流珠經丹景道精經隱地八術經太極錄景經凡四部以授二君王母復勅侍女李方明出丹瓊之函披雲珠之笈出玉珮金璫經太霄隱書經洞飛二景內書傳司命君各授書畢王母與夫人告去千乘萬騎昇還太空矣

昭靈李夫人

方丈臺東宮昭靈李夫人者即北元中玄道君李慶賀之女太保王郎李靈飛之妹也以湯時得道白日昇天受書為東宮昭靈夫人治方丈臺第十三朱館中東晉哀帝丕興寧

三年乙丑八月二十二日夜降於真人楊熾之家夫人著紫錦衣帶神虎符握流金鈴年可十三四許有兩侍女年可二十一二侍女名隱暉皆青綾衣捧白玉箱二枚青帶絡之題曰太上帝章一日太上玉文夫人帶青玉

色綬如世人帶章囊狀隱章當長五丈許大三四尺與上元夫人紫微夫人右英夫人諸真同降臨去作詩曰雲埔帶天構七炁煥神馮瓊靡蒼晨鳴九音絳樞中紫霞興朱門香煙生綠窻四駕舞虎旗青耕擲玄空華蓋隨雲倒落鳳控六龍策景五教阿三素聆君房適聞滕穢氣萬濁汚我留臭物薰精神蒼塵德相衝明玉皆瑤爛何獨盛五躬高極苦不早坐地自生蟲臨去又吟曰心勿欲亂神勿淫役道易不順災重不逆求喪其真遂棄我

適復往許家否我當復來爾勤之而已其年九月三日復降又歌曰縱酒觀群慧條欵四落周不覺所以然實心有待遊相過皆惟樂不遇亦不憂縱影玄空中兩會自然時十二月一日夜又吟寄許玉斧曰飛輪高展臺控

響玄隴隔手携紫皇袂倏忽八風驅玉華翼綠帷青帟扇翠榻冠軒煥崔嵬珮玲帶月珠薄入風塵中寒卓迷當塗吳腥爛我杰百病令心袒何不颺然起蕭蕭步太虛

三元馮夫人

三元夫人者姓馮名雙禮珠乃上清高真也亦主監盟初仙及證度得道當為真人元君者也以晉穆帝聃永和五年己酉夫人與西王母南極元君九微元君紫陽左仙公石路成太極高仙伯延蓋童子西城總真王方平太虛真人南嶽赤松子桐柏真人右弼王王子喬會於小有清虛上官絳房之內宴南嶽紫虛元君魏夫人華存設以神籥奏以鈞樂九靈合節八音玲瓏王母起舞乃擊節而歌歌畢夫人自彈雲璈而答歌曰玉清出九天

神館飛霞外霄臺煥嵯峨靈犀秀鬱翳五雲興翠華八風扇綠烝仰吟銷魔詠俯研智與慧萬真落神景唱期絳房會挺穎德音子神映乃拂沛天嶽凌空構洞臺深幽遠遊海悟井願履真覺世穢舞輪宴重空筌魚自然巖

回我大椿羅長謝朝生世歌畢衆真各奏陽
歌陰歌之辭皆內修證道之旨或叙積功累
行之美或歌金液霜華之要與洞神陽歌之
曲小異蓋天真之微辭也

南極王夫人

南極王夫人者王母第四女也名林字容真
一號紫元夫人或號南極元君理太丹宮受
書為金闕聖君上保司命漢平帝特降於陽
洛山石室之中授清虛真人小有天王王褒
字子登太上寶文等經三十一卷夫人年可
十六七許著錦帔青羽裙左佩虎書右帶揮
靈形貌真正天姿曉蕩乘羽蓋之車駕以九
龍女騎九千居渤海丹海長離山中主教當
為真人者晉興寧三年乙丑降真人楊羲之
家與八真同會因吟授羲曰控魑扇太虛八
景飛高清仰浮紫晨外俯看絕落漢玄心空
同間上下弗流停無待兩際中有待無所管
體無則能死體有則攝生東賓會高唱二待
何足爭東賓東坡上
大第君也又曰命駕玉錦輪舞鸞
仰徘徊朝遊朱火宮夕宴夜光池浮景清霞

杪八龍正泰差我作無待遊有待輒見隨高
會佳人寢二待互是非有無非有定待待各
自歸是歲六月二十三日又吟授楊君曰林
振頰類感靈鬱待龍吟玄數自相求觸節皆
有音飛軒出西華總轡忽來尋八遐非無娛

同詠理自欽悼此四羅內百變常在心俱遊
北寒臺神風開爾襟夫人昔授王子登寶經
既畢告之曰我道飛空八景浮虛上清子勤
修之吾不相欺也於是西城王君携子登北
觀玄洲拜謁太上丈人及二十九真主仙道
君道君即太上公子勒伯黎也道君即命侍
女范運華趙峻珠王抱臺發瓊笈綠蘊出上
清隱書龍文八靈真經二卷以授子登又以
雲碧陽水晨飛丹腴二升賜之子登拜受還
西城宮精修九年日行三千里視見萬里之
外坐在立亡役使群神乘飛騰之車遊觀天
下東度啓明之宮廣桑之山謁見太帝受紫
鳳赤書南渡丹海長離之山朝南極元君紫
元夫人再受太丹籙書又詣赤臺童子受雲
琅水霜夫人曰昔日之言豈負舉哉子登繕

首謝恩訖西渡東丘巨海沉羽之泉登麗農
之歡詣三皇道君紫蓋華晨夫人受玉道錄
字太真隱書又北遊離柔玄海登廣野之山
遇高上虛皇大道君玄清六微元君賜以絕
玄金章鋒和雲芝子登拜而服之還昇中嶽
龜臺崑陵朝太真金母乃受冊為太素清虛
真人領小有天王三元四司左保上公主領
洞府三洞寶文出入上清受事太極乃夫人
之弟子也

墟城集仙錄卷之二